

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10), na prijedlog Ministarstva za pravosuđe i upravu, Vlada Zeničko-dobojskog kantona, na 199. sjednici, održanoj dana 09.01.2015. godine, d o n o s i

ZAKLJUČAK

I.

Usvaja se Izvještaj o obavljenim zadacima Komisije za razmatranje prijedloga za zaključenje vansudske nagodbe i Prijedlog redosljeda za zaključenje vansudskih nagodbi.

II.

Zadužuje se Kantonalno pravobranilaštvo da postupi u skladu sa članom 5. stav (2) Odluke o mjerilima i kriterijima za zaključivanje vansudskih nagodbi na teret Budžeta Zeničko-dobojskog kantona („Službene novine Zeničko-dobojskog kantona“ broj 13/13).

III.

Vlada Zeničko-dobojskog kantona prihvata Prijedlog redosljeda po procentualnom iznosu odricanja za zaključivanje vanduskih nagodbi sadržan u tabeli IV. Izvještaja o obavljenim zadacima Komisije za razmatranje prijedloga za zaključenje vansudske nagodbe.

IV.

Zaključak stupa na snagu danom donošenja.

PREMIJER

Broj: 02-_____/15.
Datum, 09.01.2015. godine
Zenica

Munib Husejnagić, dipl.ing.maš.

DOSTAVLJENO:

1x Ministarstvo za pravosuđe i upravu,
1x Predjednica Komisije za razmatranje prijedloga za
zaključenje vansudskih nagodbi-Meliha Omerspahić,
1x Kantonalno pravobranilaštvo Zenica, putem Ministarstva,
1x Stručna služba Vlade,
1x Ministarstvo finansija,
1x a/a.

ZENIČKO-DOBOJSKI KANTON
Komisija za razmatranje prijedloga za
zaključenje vansudskih nagodbi

Broj: 02-
Zenica, 08.12.2014.godine

Vlada Zeničko-dobojskog kantona
n/r Premijera

PREDMET: Izvještaj o obavljenim zadacima Komisije i Prijedlog redoslijeda za zaključenje vansudskih nagodbi, dostavlja se

U prilogu akta dostavljamo Vam Izvještaj o obavljenim zadacima Komisije i Prijedlog redoslijeda za zaključenje vansudskih nagodbi. Ujedno Vas obavještavamo da smo isti Izvještaj dostavili i Kantonalnom pravobranilaštvu kako bi isto u skladu sa članom 5.stav 2. Odluke o mjerilima i kriterijima za zaključivanje vansudskih nagodbi na teret Budžeta Zeničko-dobojskog kantona („Službene novine Zeničko-dobojskog kantona“ broj 13/13) dalo mišljenje na dostavljeni prijedlog redoslijeda Komisije.

S poštovanjem,

Za Komisiju

Meliha Omerspahić, dipl pravnica

Dostavljeno:

1x Naslov
1x Kantonalno pravobranilaštvo Ze-do kantona
1x a/a

Izveštaj o obavljenim zadacima Komisije i Prijedlog redoslijeda za zaključenje vansudskih nagodbi

Rješenjem Vlade Zeničko-dobojskog kantona broj: 02-34-3881/14 od 20.02.2014. godine, imenovana je Komisija za razmatranje prijedloga za zaključenje vansudskih nagodbi u sastavu:

1. Meliha Omerspahic - Ministarstvo za pravosuđe, predsjednik;
2. Mersiha Kaknjo - Ministarstvo finansija, član;
3. Nebojša Vasiljević - Ministarstvo obrazovanja, nauke, kulture i sporta, član;
4. Snježana Sarajlić - MUP, član;
5. Milenko Mitrović - Ured premijera, član;
6. Edina Valjevac - predstavnik Samostalnog sindikata službenika i namještenika, član;
7. Vlatka Šafaržik - predstavnik Sindikata srednjeg i visokog obrazovanja, član;
8. Šaban Bubalo - predstavnik Sindikata osnovnog obrazovanja i odgoja, član i
9. Enes Hrusto - predstavnik Sindikata policije MUP-a, član

Zapisničari:

1. Azra Hećo - Ministarstvo pravosuđa;
2. Emina Odić - Ministarstvo finansija;
3. Emsudin Šarić – MUP i
4. Rebija Karahmet - Ministarstvo obrazovanja, nauke, kulture i sporta.

Rad Komisije je bio kontinuiran, i odvijao se kroz redovne sastanke i sedmične konsultacije. Ove konsultacije su podrazumijevale korespondenciju sa podnosiocima zahtjeva ili njihovim punomoćnicima, predstavnikom banke, pravobranilaštvom i samih članova komisije međusobno s ciljem da se što više tražilaca izvršenja ipak uvrsti u prijedlog redoslijeda.

Komisija konstatuje sljedeće:

- da je po Javnom pozivu koji je trajao do 28.02.2014.godine zaprimljeno blagovremenih 84 koverta sa zahtjevima,
- da je nakon isteka roka za dostavljanje zahtjeva, zaprimljeno još 11 prijedloga (neblagovremeni),

Na osnovu dostavljenih koverti Komisija je sačinila **Tabelu I** sa podacima:

- a) redni broj,
- b) ime i prezime,
- c) broj predmeta,
- d) podbroj,
- e) broj u djelovodnom protokolu i
- f) datum prijema (Tabela I u prilogu).

Nakon otvaranja koverti, utvrđeno je da su iste sadržavale uglavnom više tražilaca izvršenja kako je u jednoj koverti uglavnom bilo više tražilaca izvršenja (u nekima više od stotinu), sačinjena je **Tabela II** (CD u prilogu), koja sadrži podatke:

- a) redni broj,
- b) ime i prezime
- c) visina glavnice,
- d) visina kamata,
- e) visina troškova parničnog i troškova izvršnog postupka (gdje je to bilo moguće)
- f) odricanje od glavnice (apsolutno i procentualno),
- g) odricanje od kamata (apsolutno i procentualno),
- h) odricanje od troškova parničnog i izvršnog postupka (apsolutno i procentualno- gdje je to bilo moguće),
- i) prijedlog za isplatu u ratama i
- j) napomena.

Konstatovano je da je ukupan broj tražilaca izvršenja koji su podnijeli zahtjev 905.

Nakon ovako sačinjene tabele, Komisija je utvrdila da u dostavljenoj dokumentaciji, odnosno izvršnim naslovima, nisu navedeni podaci o kamatama, a u mnogima i iznosi troškova postupka, te se imajući u vidu da relevantnim podatkom o visini kamata raspolaže banka, dana 23.04.2014.godine obratila Premijeru dopisom radi uputa o daljem postupanju.

Kako nakon dopisa od 23.04.2014. godine Komisija nije dobila upute, 21.07.2014. godine obratila se Vladi i Premijeru dostavljajući Izvještaj o obavljenim zadacima sa namjerom da ih upozna da su dalje aktivnosti Komisije onemogućene. Dana 29.07.2014. godine Komisija je putem zabilješke na aktu broj: 02-34-3381-2/14 od 21.07.2014. godine, dobila upute za dalje postupanje. Uputa se odnosila na potrebu dostavljanja neophodnih podataka, kojima komisija raspolaže, Ministarstvu finansija radi obračuna kamata u saradnji sa bankom.

Kako je ministrica finansija u to vrijeme bila na godišnjem odmoru, a pomoćnik nije bio upoznat sa uputama, Komisija se obratila aktom broj 02-34-3881-3/14, od 06.08.2014. godine Ministarstvu finansija, na koji Komisija nije dobila odgovor. Zbog navedenog Komisija je ostvarila neposredni kontakt sa predstavnicima IK Banke i dostavila postojeću tabelu, radi unosa podataka o visini kamate za svakog podnosioca zahtjeva.

Napominjemo da se evidencija tražilaca izvršenja u Banci vodi isključivo i podaci pronalaze, po osnovu broja rješenja o izvršenju, a koji u najvećem broju zahtjeva tražilaca izvršenja nisu bili navedeni, jer se u tekstu Javnog poziva zahtijevalo dostavljanje broja izvršnog naslova, što je u ovom slučaju mogla da bude i sama presuda.

Ova činjenica je uveliko otežala rad Komisije, jer se nenavođenje broja rješenja o izvršenju u zahtjevu za nagodbu nije moglo smatrati nedostatkom zahtjeva, koji bi rezultirao neuvršćavanjem na prijedlog redosljeda.

Na osnovu svega navedenog, a koristeći se raspoloživim podacima iz zahtjeva za zaključenje vanskudskih nagodbi, kao i podacima pribavljenim od IK Banke, pravobranilaštva, advokata, sudova i samih podnosilaca zahtjeva, Komisija je objedinila zahtjeve te ih primjenom kriterija i mjerila koja treba uzeti u obzir kod razmatranja prijedloga, propisanih članom 3. Odluke o mjerilima i kriterijima za zaključivanje vanskudskih nagodbi na teret Budžeta Zeničko-dobojskog kantona („Službene novine Zeničko-dobojskog kantona“ broj 13/13), sačinila prijedlog redosljeda u skladu sa članom 4. stav (2) iste Odluke i članom 2. Rješenja o imenovanju.

Tabela III Prijedlog redosljeda – aposolutni iznosi i

Tabela IV Prijedlog redosljeda – procentualni iznosi.

U neposrednim kontaktima sa predstavnicima IK Banke Komisija je dobivala podatke o visini kamata, međutim zbog nedostataka svih neophodnih parametara u prijedlozima za zaključenje vanskudskih nagodbi (neslaganje brojeva rješenja o izvršenju, nedostatak stranica u prijedlozima za izvršenje, različiti podaci od advokata, neslaganje u iznosima kamata) određeni broj podnosilaca zahtjeva nije se mogao uvrstiti u prijedlog redoslijeda, Tako da su u prilogu izvještaja i tabele sa imenima podnosioca zahtjeva:

1. **Tabela V** – nije naveden u prijedlogu za izvršenje – greška u prijedlogu
2. **Tabela VI** – nema rješenja u izvršenju kod banke
3. **Tabela VII** – zahtjev nema elemenata
4. **Tabela VIII--** zahtjevi su podneseni nakon utvrđenog roka u javnom pozivu (neblagovremeni)

Napomena:

Smatramo neophodnim navesti da je Komisija iako imenovana u sastavu od devet članova i četiri zapisničara cijelo vrijeme radila u nepotpunom sastavu. Da se dio članova iako redovno pozivan nije prisustvovao sastancima ili je prisustvo bilo zanemarljivo u odnosu na ostale članove. Na kraju Komisija je svoj rad završila u sastavu:

1. Meliha Omerspahić, Ministarstvo za pravosuđe i upravu
2. Snježana Sarajlić, Ministarstvo unutrašnjih poslova
3. Emsudin Šarić, Ministarstvo unutrašnjih poslova
4. Azra Hećo, Ministarstvo za pravosuđe i upravu
5. Edina Valjevac, predstavnik Samostalnog sindikata službenika i namještenika,
6. Mersiha Kaknjo, Ministarstvo finansija
7. Šaban Bubalo, predstavnik Sindikata osnovnog obrazovanja i odgoja.

Napomena: U prilogu izvještaja je i Rekapitulacija potraživanja po zahtjevima za vanskudske nagodbe kojom su obuhvaćena sva potraživanja za koja su dostavljeni prijedlozi za vanskudske nagodbe i za koje su prikupljeni svi potrebni podaci.

S poštovanjem,

K o m i s i j a

- | | |
|----------------------|-------|
| 1. Meliha Omerspahić | _____ |
| 2. Emsudin Šarić | _____ |
| 3. Snježana Sarajlić | _____ |
| 4. Edina Valjevac | _____ |
| 5. Šaban Bubalo | _____ |
| 6. Azra Hećo | _____ |
| 7. Mersiha Kaknjo | _____ |
| 8. Vlatka Šafaržik | _____ |

Dostavljeno:

1x Premijer Zeničko-dobojskog kantona,
1x Kantonalno pravobranilaštvo Ze-do kantona,
1x a/a

ZENIČKO-DOBOJSKI KANTON
Komisija za razmatranje prijedloga za
zaključenje vansudskih nagodbi

Broj: 02-
Zenica, 08.12.2014.godine

Kantonalno pravobranilaštvo
Zeničko-dobojskog kantona

PREDMET: Izvještaj o obavljenim zadacima Komisije i Prijedlog redoslijeda za zaključenje vansudskih nagodbi radi davanja mišljenja, dostavlja se

U prilogu akta dostavljamo Izvještaj o obavljenim zadacima Komisije i Prijedlog redoslijeda za zaključenje vansudskih nagodbi kako biste u skladu sa članom 5.stav 2. Odluke o mjerilima i kriterijima za zaključivanje vansudskih nagodbi na teret Budžeta Zeničko-dobojskog kantona („Službene novine Zeničko-dobojskog kantona“ broj 13/13) dalo mišljenje.

S poštovanjem,

Za Komisiju

Meliha Omerspahić, dipl. pravica

Dostavljeno:

1x Naslov
1x Premijer Zeničko-dobojskog kantona,
1x a/a